

## **»Redovni izvještaj dnevnih događaja i pojava«**

Izvještaj se odnosi na događaje u vremenskom periodu od 27.12.2024. godine od 08:00 sati do 28.12.2024. godine do 08:00 sati.

Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

### **POŽARI (LP-3)**

**Općina Sanski Most.** Vatrogasna jedinica općine Sanski Most imala je tehničku intervenciju u Oslobođilačkoj ulici 34, gdje su izvršili rezanje i uklanjanje drveta koje je ugrožavalo pješake i prohodnost puta.

Vatrogasne jedinice u ostalim općinama nisu imale intervencija.

### **OBLAST SAOBRAĆAJA (prohodnost puteva, drumski i željeznički saobraćaj)**

Magistralni put Ključ-Bosanski Petrovac-Bihać otvoren je za sve kategorije vozila.

Zabranjen je saobraćaj za teretna motorna vozila na putu: Bosanski Petrovac-Drvar-Bosansko Grahovo.

Na graničnim prelazima nema dužih zadržavanja za putnička vozila.

### **KLIZANJE TERENA, SNJEŽNE LAVINE I NANOSI (LP-4)**

#### **Općina Bosanski Petrovac**

Tokom jučerašnjeg dana ekipe zimske službe suočavale su se s velikim izazovima u održavanju prohodnosti puteva, te nisu bili u mogućnosti da odgovore u kratkom roku na potrebe građana i da pristupe čišćenju svih lokalnih i nekategorisanih puteva unutar općine. Zbog izolacije određenih područja-zaseoka Općina Bosanski Petrovac podnijela je zahtjev za pomoć-dostava motornih sanki od Kantonalne uprave civilne zaštite USK.

U poslijepodnevnim satima, kao odgovor na ovu situaciju, Direktor Kantonalne uprave civilne zaštite USK je u koordinaciji s Gorskom službom spašavanja (GSS) Bihać uputio pet pripadnika GSS-a kako bi pružili pomoć stanovništvu u najugroženijim dijelovima općine.

Sinoć oko 23:00 sati pripadnici GSS se vratili za Bihać. Za danas je planirano da se nastavi sa akcijom pružanja pomoći.

#### **Općina Ključ**

Prema informaciji Općinskog Fonda saobraćaj se odvija otežano zbog snijega.

Naselja: Plamenice -Prhovo jedan dio, dio Sejarića, dio Crljeni, od Balijevića do Todora, put za Vukovska brda i Kopjenica nije očišćeno, ekipe zimske službe su na terenu.

### **BEZBJEDNOST U SAOBRAĆAJU (LP-7) (saobraćajne nezgode)**

Na području USK-a u protekla 24 sata desilo se pet saobraćajnih nezgoda.

Nije bilo povređenih lica, te je pričinjena materijalna šteta.

### **OŠTEĆENJA ELEKTRIČNE MREŽE (LP-18)**

Radnici elektrodistribucije su u toku jučerašnjeg dana intenzivno radili na sanaciji kvarova u Bihaću, Sanskom Mostu, Bosanskoj Krupi i Ključu. Prema informacijama elektrodistribucije Bihać bez napona su i dalje sljedeći dalekovodi:

- u gradu Bihaću bez napona je dio 10 kV DV Martin Brod (naselje Boboljušci),

- u općini Sanski Most bez napona je dio 20 kV dalekovod Dabar i dvije trafostanice Zenković i Kruhari
- u općini Ključ bez struje je naselje Banjica (pet trafostanica bez napona), također bez napona su TS Lanište, TS Zavalje i Lokveni vrh i TS Gornji Gudelj 1,
- u gradu Bosanska Krupa bez napona dio 10 kv DV Jasenice ( Potkalinje).
- u gradu Cazinu od sinoć u 20:53 sati je u prekidu dio 10 kv DV Miostrah (TS Stijena)

#### OBLAST TELEKOMUNIKACIJA (LP-18)

Telefonske veze funkcioniraju u svim pravcima.

#### OBLAST VODOSNABDIJEVANJA (LP-18)

**Općina Bosanski Petrovac.** Prijavljeni su povremeni zastoji u snabdjevanju MZ Bjelaj i MZ Krnjeuša.

**Općina Ključ.** Naselje Kamičak i naselje oko pumpne stanice u Krasuljama nemaju vode zbog nestanka električne energije.

Vodosnabdijevanje u ostalim općinama je zadovoljavajuće.

#### NEEKSPLODIRANA UBOJNA SREDSTVA –NUS (LP-19)

Nije bilo prijava pronalaska NUS-a.

#### OSTALO

Dana 27.12.2024. godine u 23:30 sati dežurni u Policijskoj stanici Bihać putem telefona nam je javio kako im je u 23:05 sati prijavljen nestanak jednog lica. Sin nestalog lica je prijavio da mu je otac 26.12.2024.g. u 11:00 sati otišao u reon Hrgara gdje posjeduje ranč i da od tada nemaju nikakav kontakt. Po zaprimljenoj dojavi Kantonalni operativni centar CZ USK je kontaktirao direktora KU CZ USK i šefa Gorske službe spašavanja (upravo se vratili iz B.Petrovca) i dogovoreno je da se danas 28.12.2024.g. u jutarnjim satima formira tim GSS koji će otići u reon Hrgara kako bi pronašli lice za koje je prijavljen nestanak.

#### METEOROLOŠKO-HIDROLOŠKA SITUACIJA

U gradu Bihaću u 07:00 sati temperatura je iznosila -7 °C.

Vodostaj rijeke Une iznosi 48 cm, (početak obavještavanja je 100 cm).

Visina snijega: 8 cm.

U općini Sanski Most u 08:00 sati temperatura je iznosila -7 °C.

Vodostaj rijeke Sane iznosi 138 cm, (početak obavještavanja je 310 cm).

Visina snijega: 10 cm.

Napomena. Služba za civilnu zaštitu grada Bihaća nije dostavila informacije o dešavanjima na području grada za protekla 24 sata.